



архомъ Иерусалимскимъ обѣдню служилъ.—Объ участіи Неофита въ сослуженіяхъ съ патріархомъ Теофаномъ *говоритъ* и сей послѣдній въ своей грамотѣ о возстановленіи въ юго-западной Руси православной іерархіи (*Архивъ Ю. З. Рос.*, ч. I. т. V. № 1.)

XXVІІІ.

Письмо Александрійскаго патріарха Кирилла къ Львовскому братству, заключающее въ себѣ совѣты стносительно согласной между собою жизни, устройства школы и. т. п.

1614 г. апрѣля 26.

Кирилъ з ласки Божой папа и патріарха великаго мѣста Александріи и судя повсехний.

Славетныи и православныи христіане, или котрыи подь порядкомъ братскимъ въ мѣстѣ Львовѣ естесте при церкви Успеліа Пречистой Владычици нашеи Богородицы и приснодѣвы Маріи, сынове покорности нашеи въ духу святомъ наимимніи: ласка нехай вамъ будетъ и покуй и милосердіа отъ Бога Вседержителя, а отъ насъ молитва и благословенство.

Листы вашѣ веселя насъ гоине побавили, с котрыхъ о сталости постановенья вашего посчасти мыся довѣдали есми и больше еще словеснѣйшій киръ Романъ Красовскій насъ о томъ вѣдати учинилъ, широче намъ о васъ росповѣвши и ознаймивши. Лечъ и мы частокротъ хотѣлисмы листами нашими любовь вашу досягнути, тылко боячися и тогося обоваючи, абы листы нашѣ не на свое мѣстце пали: и прето очекивалихмы на отѣздъ stondъ пана Романа, въ котромъ абыся все было злецило щохмы нынѣ якъесмы мыслили и учинили; подякованя теда чинимы пану нашему Іисусу Христу, котрый особливуй хути вашуй даетъ посилене и моцъ въ такъ окрутнехъ часѣхъ трудныхъ и при-



крыхъ, кгда праве всюды справедливости не обачите, тяжары вамъ ведле поволаня часу негносны на собе носити и противко повалностямъ окрутне повстающихъ вѣтрувъ потужнеся зоставляти, котрые ажъ до сконченя свѣта церковию турбовати будутъ: але бѣда тымъ, котрые не моцнеся за жаклѣ албо машты окренту уймають, а латвесе похолзають и для дочасной славы упадають, а овымъ зась за добре, котрые для Пана Збатителя своего терпятъ, котрый въ евангеліи своимъ товарищумъ своимъ впродѣ оповидѣлъ, ижъ вывержныхъ васъ з межи себе учинять для имени моего, що и вамъ яко вижу приходитъ терпѣти, яко тымъ, котрые надъ все иншее душѣ своей збавене впродѣ поважаєте. Вшакужъ естемъ тои надѣи, же милостивый Богъ маєтъ печу о васъ, котрый же впелякихъ фрасунковъ васъ выбавить часу своего, которагося вы не будете сподѣвати, тымъ способомъ яко нѣгды и вкорабли затревожныхъ апостолувъ своихъ. И абы конечне Богъ пребывалъ межи албо опочивалъ, теды того по васъ прагну, абы тежъ вы конечне мѣли милость единъ противко другому, котрои то есть ведлугъ Бога и Богу любя. И абы жаднымъ способомъ анѣ растыркувъ межи вами не было и не ся спуръ и сваръ межи вами находвалъ, але въ покорѣ и въ милости межи собою любовь въ васъ абы опочивала, и меншій противко большему и старшему абыся склонилъ, и подлѣйшій въ ростропности противко мудрѣйшему надъ него, и абы не мовилъ каждый яко то венць бываетъ, же оло я такъ хочу, албо зась другій ово нехай такъ будетъ, ведлугъ моего зданя: тые, бо вѣмъ слова роскошными телесные мовять, и котрые свѣта того жондзю суть зарожены. Але вы котрые шукаете албо прагнете не своихъ рѣчей, але Христовыхъ, теды все едино мовте и наеднося згажайте, и що едно рекуть тые котрые барзѣй речій суть вѣдомы и умѣстнѣйшіе, на тое всѣ абысте изволяли. Якобы причины не мѣли волкы тяжкие, котрые васъ окружають и на васъ чигають и о то ся старають, яко бы васъ ку шкодѣ привести могли и



часъ погодный на то одержали, абы братство ваши внѣ-
вечь обернули. Бо з многихъ мѣрь барзо того дохожу и
дорозумѣваюся, же если коли якъ подъ тотъ часъ противно
васъ православныхъ барзо судоуе повстали. Лечъ сподѣ-
ваюся, ижъ Панъ Збавитель не оставитъ васъ, тылко бы вы
сами ведлугъ воли Божей въ томъ братствѣ жили и захо-
валися и старалися якобы sprawy добрые межи вами росли
и помножены были, а не уменьшены за злыми радами и
кробрнымъ зданямъ чимъ, на котрумъ илеся ижъ упорне
саять, волю свою пополнити хотячи, котрая хотъ то и зле
всобеса маеть, абы тылко упорови своему догодили, теды
тые негодными суть братьямися называти и предъ одсужены
суть таковыи ласки Божое; на которыхъ то за таковой ихъ
упоръ хотѣлимы были и страшнымъ узломъ вылучена албо
проклетства, декретъ учинивши ихъ звязати: тылко по-
томъ панъ Романъ вашъ отвиолъ насъ отъ того, котрый о
васъ далъ ми справу, же якобыся иначей межи вами найдова-
ти мѣло и не якъ ми други овде удали, але жесте суть
взгодѣ, и стовдѣ увеселилемся потомъ. Вшакъже вѣдаючи
мы о тутешномъ у васъ братствѣ, же надъ всѣхъ иншихъ
есть преднейшее, пишемъ до васъ: абы слово албо напо-
минане и всюды до иншихъ христіанъ отъ насъ презъ васъ
подано было, абы не упоромъ порывчостю церковной спра-
вы отъ нихъ справованы были, але въ милости и покою и
згодѣ все венцъ одиправовали. Пишете ми о дидакалѣ албо
мистрѣ школьномъ якобыся о него постарался и схутью
тому досыть учинилъ, лечъ вы звыклистѣ въ речахъ
церковныхъ фундаментъ закладати не впередъ якося
годить кгрунту добре добравши и докопавши, прето и
многіе таковые фундаціе вашѣ поупадали, и подобни-
сте овимъ, ведлугъ выроку Павла светого, котрые то духомъ
венцъ речи зачинають, а тѣломъ зась ихъ доканчивають, и
стыхъ мѣрь боимося жебысте и въ той справѣ строны дида-
када тоежъ на собѣ не утерпѣли. Ябовѣмъ хотѣлымъ съ
вами участникомъ быти, кды еслибысте хотѣли доброго до-



коновати: а если бы тылко зачинати, а потомъ недоконченыхъ речей занехиваты, тедымися то нездаеть, же бы ту славѣ братскуй мѣло попожитокъ приносить, котрые в кождуй речи повиннисте перестерѣгати; впакажъ если дидаскала прагнете мѣти и школу фундовати, теды потреба впродѣ коштъ на то усмотрити и о нагородѣ дидаскалови пристойной помыслити, жаденъ бо вѣмъ безъ нагороды у васъ мешкати не будетъ, якожъ и жаденъ не есть ктобы дармо учить мѣлъ. Хвалится тымъ у полякувъ езуитове, же дармо учать и молоди цвичать, а и тыи далеко болшую нагороду мають и нѣякимся иншимъ способомъ надъ иншихъ болше берутъ. Стоя теды мѣры и вы впредѣ о тоси постарайте. Чому досытъ учинивши догомъ и порядокъ на то повиннисте таковыи мѣти, абы не всѣ брати старшимисте и рядцами надъ школою были, але старшіе вашѣ два албо три рокомъ бывали, а другие абы въ тойся уриди намнѣй не удавали а не росказывали; що спорядивши потомъ засъ если хочете абыся дѣточки вашѣ учили, посылайте ихъ до школъ такимъ способомъ, то есте не тылко не боронячи, але и овшемъ допускаючи, абы ихъ дидаскалъ билъ и карагъ, и такъ ихъ цвичилъ, якося оному подобати будетъ, а не якъ вы сами хочете. И абымъ не на каждую речь мовячи писанемъся долшимъ забавилъ, потреба вамъ во всемъ такся заховати иле речь тая по васъ потребуеть въ размножене и двигнене наукъ, котрыхъ еслисте и не всѣ вѣдомы, але суть змежи васъ котрые смаку ихъ скоштовали и з молодости своей добрѣ писмо прошли, съ котрыхъ мѣновите есть и наособлившии милостникъ науки киръ Гавріилъ Дерофеевичъ, котораго за порадца и помочника въ таковыхъ речахъ можете мѣти, а нѣбовѣмъ що ся тычетъ наукъ способнѣйшаго до поратовани въ нихъ можете собѣ мѣти. Въ тыхъ теды речахъ если до того цѣлю мѣрите, яко быстесе во всемъ такъ заховали, пишете до насъ яко нарыхлей, а мы ведлугъ можности нашей въ томъ васъ ратовати естесмы готовы. Що тыжся тычетъ типографіи, т. е. друкарнѣ, добре то чи-



пите, же за стараня около того пилне ся уймаєте яко бы книги потребныи на свѣтъ выдаваны были. Не меншіи бо-вѣмъ и тое собою православію ратунокъ даетъ, и прето и мниховъ, которые тамъ тоюся типографією у васъ бавятъ, заховуйте, абы з радостію такое дѣло отпраповали а не вздыхали на кого з васъ противного. А если бы тежъ якій пожитокъ стое друкарнѣ мѣлъ вамъ приходить, теды на посполитую потребу братскую власную нехай обертанъ будетъ, и жаденъ абы до своего пожитку таковуй дохуудъ не смѣлъ собѣ привлащати, кгдамъ есть повинны барзѣй зсвоихъ власныхъ маетностей на тое давати, а не ижъбы що не есть чие власное за себе брати. А поневажъ не могучи намъ часть потому мѣти, жебысмы были болше и о всѣхъ рѣчахъ потребныхъ писати написали, теды мы опатрному и въ Дусѣ Святомъ сынови намилшему пану Романови о много речахъ, о которыхъ намъ здало пожитечныхъ устне рассказали вамъ оповѣсти. А надъ всѣ тые речи хочемо того, абысте по насъ знали, же у меня о всѣхъ васъ великое есть стараня. Если иншіе о васъ недбають, але нашъ еронъ албо столица Апостольская для милости противко всѣхъ православныхъ отцевской, здоброго вашего тѣшитися звыкль, и помогати вамъ и з вами терпѣти, кгда еслибы иначейся речъ мѣла, есть готовъ. Прето пишѣте до насъ въ потребахъ своихъ. Притомъ Господь нашъ Іисусъ Христосъ абы любовь вашу нѣвчомъ ненарушенную межи вами вцаде ховати рачиль и отъ вшелякихъ фрасунковъ васъ уховалъ и домѣстилъ васъ въ православію и въ вѣрѣ всходней церкви святой моцне трваючихъ добрыми учинками до того доходити Богу и, тутъ щатсливе поживши, онде пришлого живота вѣчного въ царствіи небесномъ вамъ доступити. Затымъ ласка Божія и благословенство покорности нашей з вами нехай будетъ. Въ Ясѣхъ 1614. Апрѣля 26.

Съ копіи, хранящейся въ Архивъ Ставропигіального Института во Львовѣ.
